



Broj: 02-11-1690/24-AP-11
Datum: 19.12.2024. godine

Na osnovu člana 69.stav 3 Zakona o javnim nabavkama („Službeni glasnik BiH“, broj: 39/2014, 59/2022 i 50/2024), člana 14. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022 i 6/2023) i člana 12. Privremene statutarne Odluke Grada Zavidovići («Službeni glasnik Grada Zavidovići», broj: 4/2022), u predmetu dodjele ugovora o javnoj nabavci usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, Gradonačelnica d o n o s i:

ODLUKU o otkazivanju postupka javne nabavke

Član 1.

Postupak javne nabavke usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, pokrenut Odlukom Gradonačelnika broj 02-11-1690/24-AP-2 od 20.08.2024. godine, putem Konkurentskog zahtjeva za dostavu ponuda, za koji je dana 20.08.2024. godine upućeno Obavještenje broj 1374-7-2-125-3-116/24 na objavu u Informacioni sistem „E-nabavke, o t k a z u j e s e.

Član 2.

Postupak javne nabavke usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, otkazuje se iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-1690/24-AP-2 od 20.08.2024. godine pokrenut je postupak dodjele ugovora za javnu nabavku usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, putem konkurentskog

zahtjeva za dostavu ponuda za koji je dana 20.08.2024. godine upućeno Obavještenje broj 1374-7-2-125-3-116/24 na objavu u Informativni sistem „E-nabavke“.

Procjenjena vrijednost nabavke je 37.500,00 KM bez uračunatog PDV-a.

U toku provođenja predmetne javne nabavke, Grad Zavidovići je dana, 28.08.2024. godine, zaprimio Zahtjev za ukidanje/poništenje rješenja po pravu nadzora Kantonalne uprave za inspekcije Zeničko-dobojskog kantona broj:18-20-03348/24-09-09-010 od 27.08.2024. godine. U zahtjevu se traži ukidanje rješenja Službe za upravu poljoprivrede, vodoprivrede i komunalnih poslova Grada Zavidovići i to: Rješenja o formiranju higijenskog servisa broj: 08-45-1407/24-UP-1-2 od 25.03.2024. godine i Rješenja o formiranju skloništa za životinje broj:08-45-1408/24-UP-1-2- od 25.03.2024. godine.

Služba za upravu poljoprivrede, vodoprivrede i komunalnih poslova Grada Zavidovići je Zahtjev za ukidanje/poništenje rješenja po pravu nadzora Kantonalne uprave za inspekcije Zeničko-dobojskog kantona broj:18-20-03348/24-09-09-010 od 27.08.2024. godine uputila nadležnom organu Ministarstvu za vanjsku trgovinu i ekonomske i odnose, Uredu za veterinarstvo, na dalje postupanje, dana 05.09.2024. godine.

Obzirom da Rješenje Kantonalnog veterinarskog inspektora broj 18-20-03348/24-09-09-008 od 27.08.2024. godine nije bilo pravosnažno, a da su Rješenja o formiranju higijenskog servisa broj: 08-45-1407/24-UP-1-2 od 25.03.2024. godine i Rješenja o formiranju skloništa za životinje broj:08-45-1408/24-UP-1-2- od 25.03.2024. godine na snazi, ugovorni organ Grad Zavidovići je nastavio postupak dodjele ugovora o javnoj nabavci usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“.

Tako da je na adresu Grada Zavidovići, do krajnjeg roka za dostavu ponuda 02.09.2024. godine do 12,00 sati dostavljena je 1 (jedna) ponuda, i to ponuda ponuđača SD „Rega“ Zavidovići.

Komisija za javne nabavke zaprimila je pristiglu ponudu, izvršila otvaranje, pregled i ocijenu ponude prema zahtjevima i kriterijima iz tenderske dokumentacije.

Nakon utvrđivanja sadržaja podnesene ponude utvrđeno je da ista formalno ispravna - tehnički zadovoljavajuća, jer sadrži sve priloge tražene kao u sadržaju navedenom u tenderskoj dokumentaciji predmetne javne nabavke.

Komisija za javne nabavke Grada Zavidovića dostavila je Zapisnik o otvaranju ponude, broj: 02-11-1690/24-AP-2 od 02.09.2024. godine i Zapisnik o ocjeni i pregledu ponude, broj: 02-11-1690/24-AP-2 od 04.09.2024. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	SD „Rega“ Zavidovići	37.500,00 KM

Ponuda ponuđača SD „Rega“ Zavidovići u postupku javne nabavke usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“ je ponuda koja je bila formalno i tehnički bila zadovoljavajuća, te je kao takva prihvaćena uz datu preporuku od strane Komisije za javne nabavke, na osnovu čega je donesena Odluka broj 02-11-1690/24-AP-7 dana, 05.09.2024. godine. Navedenom Odlukom se prihvatila ponuda ponuđača SD „Rega“ Zavidovići za javnu nabavku usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“ sa ukupnom cijenom od 37.500,00 KM (slovima: tridesetsedamhiljadapetstotina i 00/100 KM).

Iz službene evidencije Službe za upravu poljoprivrede, vodoprivrede i komunalnih poslova, utvrđeno je da se nema saznanja o ishodu postupka rješavanja Zahtjeva za

ukidanje/poništenje rješenja po pravu nadzora Kantinalne uprave za inspeksijske Zeničko-dobojskog kantona broj:18-20-03348/24-09-09-010 od 27.08.2024. godine.

Odlukom o pokretanju javne nabavke usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, broj 02-11-1690/24-AP-2 od 20.08.2024. godine i Tenderskom dokumentacijom, bilo je predviđeno zaključenje Okvirnog sporazuma u trajanju do 31.12.2024. godine.

Članom 69. u stavu (3) Zakona o javnim nabavkama, propisano je da je ugovorno tijelo može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ se odlučio na otkazivanje javne nabavke usluga „Hvatanje i zbrinjavanje napuštenih pasa na području Grada Zavidovići sa smještajem u sklonište za životinje“, broj 02-11-1690/24-AP-2 od 20.08.2024. godine, obzirom da su u toku postupka nastupile nepredviđene okolnosti, odnosno da Ministarstvo za vanjsku trgovinu i ekonomske i odnose, Ured za veterinarstvo, nije riješio zahtjev Kantinalne uprave za inspeksijske Zeničko-dobojskog kantona broj:18-20-03348/24-09-09-010 od 27.08.2024. godine, da se zbog svega naprijed navedenog nije zaključio okvirni sporazum.

Ugovorni organ, sve naprijed navedeno nije mogao predvidjeti u vrijeme pokretanja postupka javne nabavke, pa je u skladu sa članom 69. stav (3) odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

GRADONAČELNICA

mr. iur. Erna Merdić Smailhodžić

Obradila: 
(Sanela Mulahasanović)

Kontrolisao: 
(Midhat Bajramović)